



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გამყრელიძე ერეკლე პეტრეს ძე



ე. გამყრელიძე

გამყრელიძე ერეკლე პეტრეს ძე (8. V. 1933, თბილისი), გეოლოგი. საქართველო. მეცნი. აკად. აკადემიკოსი (1988; წ. - კორ. - 1983). გეოლ.-მინერალოგიურ მეცნი. დოქტორი (1974), პროფესორი (1984). 1956 დაამთავრა საქართველო. პოლიტექ. ინ-ტის სამთო-გეოლ. ფაკ-ტი. 1956-57 მუშაობდა საქართველო. ფერადი ლითონების საძიებო ტრესტში, 1957-58 - თსუ-ში, 1958-იდან - საქართველო. მეცნი. აკად. ა. ჯანელიძის სახ. გეოლ. ინ-ტში (1975-იდან ტექტონიკის, 1986-იდან - რეგიონული გეოლ., ტექტონ. და სეისმოტექტონ. განყ-ბის გამყ). 1988-იდან საქართველო. მეცნი. აკად. დედამიწის შემსწავლელ მეცნი. განყ-ბის აკადემიკოს-მდივანია. 1970-იდან პედ. მოღვაწეობას ეწეოდა საქართველო. ტექ. უნ-ტში. გ-ის შრომები ეხება რეგიონულ გეოლოგიას (მოიცავს საქართველო. და მთელ კავკასიას, აგრეთვე მომიჯნავე ტერიტორიებს), დეტალური სტრუქტურული ანალიზის მეთოდებს, პლანეტური ნაპრალოვნების კვლევას, ტექტონ. სტრუქტურების (მ. შ. შარიაჟების) წარმოშობის საკითხებს, გეოდინამიკისა და ზოგადი ტექტოგენეზის პრობლემებს. თანაავტორია რამდენიმე ტექტონ. რუკისა. მისმა გამოკვლევებმა ნაპრალოვან ტექტონიკაში დეტალურ გეოლ. აგეგმვასთან ერთად მნიშვნელოვნად დააზუსტა საქართველო. მინერ. წყლების საბადოთა და ნავთობ-აირიანი რ-ნების გეოლ. აგებულების საკითხები. 1976-79 იყო საერთაშ. პლანეტოლოგიური ასოციაციის ვიცე-პრეზიდენტი, 1976-89-სოციალ. ქვეყნების აკადემიების მრავალმხრივი თანამშრომლობის სამუშაო ჯგუფის ხელმძღვანელი; 1976-იდან არის საერთაშ. ტექტონ. რუკის კომისიის ბიუროს წევრი. საქართველო. მეცნი. აკად. ა.

ჯანელიძის სახ. პრემია (1986). 1984-იდან ქართული ენციკლოპედიის მთავარი სამეცნ. საბჭოს წევრი.

თბზ.: რაჭა-ლეჩხუმის სინკლინის ჩრდილო ფრთის აგებულება, თბ., 1966; Планетарная трещиноватость дислоцированных толщ и связанные с нею явления, «Геотектоника», 1972, № 6; Механизм Формирования тектонических структур (на примере Аджаро-Триалетской зоны) и некоторые общие проблемы тектогенеза, Тб., 1976; Тектонические покровы Южного склона Большого Кавказа (в пределах Грузии), Тб., 1977 (თანაავტ. პ. გამკრელიძე); Геология центральной Аджаро-Триалети и проблема Боржомской минеральной воды; Тб., 1984 (თანაავტ. გ. ლობჯანიძე); Тектоническое строение и альпийская геодинамика Кавказа, წგ., Тектоника и металлогения Кавказа, Тб., 1984; Geodynamic evolution of the Caucasus and adjacent areas in Alpine time, «Tectonophysics», Amsterdam, 1986, v. 127; Tectonic nappes and horizontal layering of the Earth's crust in the Mediterranean belt (Carpathians, Balkanides and Caucasus), იქვე, 1991. V. 196.

ვ. ჯავრიშვილი
